

**Uunga siunnersuut: Akileraaruserinermik ingerlatsineq pillugu Inatsisartut inatsisaata
allanngortinneqarneranik Inatsisartut inatsisaat**
Aningaasaqarnermut Nunamullu Namminermut Naalakkersuisumit saqqummiunneqartoq

pillugu

Aningaasaqarnermut Akileraartarnermullu Ataatsimiititaliap

siunnersuutip aappassaaneerneqarneranut

ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Jens Napaattooq, Naleraq, siulittaasoq
Inatsisartunut ilaasortaq Erik Jensen, Siumut, siulittaasup tullia
Inatsisartunut ilaasortaq Agathe Fontain, Inuit Ataqatigiit
Inatsisartunut ilaasortaq Hans Aronsen, Inuit Ataqatigiit
Inatsisartunut ilaasortaq Jens-Frederik Nielsen, Demokraatit
Inatsisartunut ilaasortaq Vivian Motzfeldt, Siumut
Inatsisartunut ilaasortaq Aqqalu Jeremiassen, Atassut

UKA2021-mi ulloq 7. oktober siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Akileraaruserinermik ingerlatsineq pillugu Inatsisartut inatsisaata nr. 11, 2. november 2006-imeersup, kingullermik Inatsisartut inatsisaatigut nr. 38, 28. november 2019-imeersukkut allanngortinneqartup, inatsisisstatut siunnersuutikkut matumuunakkut allanngortinneqarnissaa Naalakkersuisut kissaatigaat.

Taassani meeqqanut katissimallugulu aapparisamut akiliutinik il.il. aalajangersaanissamut atugassanik aningaasaqarnikkut paassisutissanik naalagaaffimmik oqartussaasunut ingerlatitseqqittarneq pillugu maleruagassat allanngortinneqarput. Tamatuma saniatigut iluanaarniutigalugu akileraarutikinnerusunut nuussisarnermik aaqqissuussinerit akiorneqarnissaannut Kalaallit Nunaat peqataasinnaaqqullugu killeqarfitt akimorlugit aaqqissuussinerit pillugit paassisutissanik immikkut siunnersortit (ass. eqqartuussissuserisut

kukkunersiusullu) nalunaarutiginninnissamut pisussaaffilerneqarsinnaanerannut maleruagassanik aalajangersaanissamut tunngavissiinissaq Naalakkersuisunit siunnersuutigineqarpoq. Tamatuma saniatigut akiliisitsissutissat annertussusissaat siunnersuutigineqarpoq.

Aammalu akileraaruseriffiup paasissutissanik nunani allani oqartussaasunut ingerlatitseqqillunilu taakkunannga paasissutissanik pissarsisinnaaneranut maleruagassat erseqqissarneqarnissaat Naalakkersuisut kissaatigaat, tamatumani minnerunngitsumik Hvidvaskningssekretariatimit paasissutissanik pissarsisoqarsinnaaqquullugu. Kiisalu UKA2021/17-imut tunngatillugu inatsimmi aalajangersakkanik malitsitut iluarsiissuteqarnissaq Naalakkersuisut kissaatigaat.

Siunnersuutip Inatsisartunit siullermeerneqarnera

Siunnersuutip matumani pineqartup kalaallisuuata danskisuatalu akornanni imminnut naapertuittingitsut amerlanerat siullermeerinninnermi uparuuarneqarpoq. Tamatuma saniatigut inatsisisstatut siunnersuutip aalajangersagai assigiinngitsut oqallisigineqarput. Tamatumalu saniatigut siunnersuutip imarisai partiinit tapersorsorneqarluarput.

Tusarniaanermut akissutit

Tusarniaanermut akissutit inatsisisstatut siunnersuummut ilanngunneqarput, tamannalu Inatsisartut Siulittaasoqarfia ilusiliinermut piumasaqaataanut naapertuuppoq. Inatsisisstatut siunnersuut ukununnga tusarniaassutigineqarsimasoq Naalakkersuisut inatsisisstatut siunnersuummut nalinginnaasumik nassuaatini paasissutissiissutigaat:

Naalakkersuisut Siulittaasuata Naalakkersuisoqarfia; Ineqarnermut, Attaveqaqtigiainnermut Naligiissitaanermullu Naalakkersuisoqarfik; Aatsitassanut Naalakkersuisoqarfik, Ilanniartitaanermut, Kulturimut, Timersornermut Ilageeqarnermullu Naalakkersuisoqarfik; Aalisarnermut Pinarnermullu Naalakkersuisoqarfik; Nunalerinermut, Imminut Pilersornermut, Nukissiuuteqarnermut Avatangiisinullu Naalakkersuisoqarfik; Peqqissutsimut Naalakkersuisoqarfik; Isumaginninnermut Suliffeqarnermullu Naalakkersuisoqarfik; Meeqyanut, Inuuusuttunut, Ilaqtariinnut Inatsisillu atuutsinneqarnerannut Naalakkersuisoqarfik; Inuussutissarsiornermut, Niuernermut, Nunanut allanut Silaannaallu pissusaata allanngoriartorneranut Naalakkersuisoqarfik; Avannaata Kommunia, Kommuneqarfik Sermersooq, Kommune Qeqortalik, Qeqqata Kommunia, Kommune Kujalleq, Grønlandske Advokater, Deloitte, Grønlands Revisionskontor, BK Revision, EY Grønland, BDO, SIK, Grønlands Erhverv (GE), NUSUKA, GrønlandsBanken aamma BankNordik.

Tusarniaanermut akissutinit tiguneqartunit Sulisitsisut kisimik oqaaseqaateqarsimasut Naalakkersuisunit paasissutissiissutigineqarpoq.

Ataatsimiititaliap siunnersuummik suliarinninna

Inatsisisatut siunnersuutip matuma kalaallisuuta oqaasertaligaanerata pitsaasuunissaata qulakkeerneqarsimannginna ataatsimiititaliap pingaarnertut uparuarumavaa. Tamatumani siunnersuutip kalaallisoortaata danskisuualalu akornanni naapertuitinngitsut arlaliusimallutik. Taamaattumillu naapertuitinngitsunut taakkununnga iluarsiisumik Naalakkersuisut allannguutissatut siunnersuummik saqqummiussinerat ataatsimiititaliamit iluarisimaarneqarpoq.

Tamatuma saniatigut UKA2021/17 naapertorlugu akileraarutinit akiliutaagallartut pillugit iluarsiinerit UKA2021/17 aatsaat akuerineqassappat piviusunngortinnejassammata ataatsimiititaliamit oqaatigineqassaaq. UKA2021/17 akuerineqanngippat inatsisisatut siunnersuutip matumani pineqartup pingajussaaneerneqarnissaanut Naalakkersuisut allannguutissatut siunnersuuteqarnissaat ataatsimiititaliamit naatsorsuutigineqarpoq.

Aningaasaqarnermut tunngasumik oqaaseqaatit matuma kinguliani nalunaarneqartut saniatigut siunnersuutip immikkoortuinut allanut ataatsimiititaliaq oqaaseqaatissaqanngilaq.

Siunnersuutip aningaasaqarnikkut kingunerisassai

Siunnersuutip piviusunngortinnejarnerani aningaasatigut kingunerisassat siunnersuummut nalinginnaasumik nassuaatini allaaserineqarput. Pisortanut aningaasaqarnikkut kingunerisassat pillugit ima allassimasoqarpoq:

1. Isertitat pillugit paassisutissanik ingerlatitseqqittarneq pillugu siunnersuummi aalajangersakkat akileraaruseriffiup killilimmik aningaasartuuteqarneruneranik nassataqassapput, taakkuli maanna aningaasaliissutaareersut iluini akilerneqarsinnaapput.
2. Siunnersuisut nalunaaruteqarnissaannut maleruagassanik aalajangersaanissamut piginnaatitsissuteqarnermi aningaasartuutit missingeruminaapput aammalu siunnersuutip ilaata tamatuma pisortat aningaasaqarnerannut kingunerisassaasa naatsorsornissaannut periarfissaqanngilaq. Tamatuma Naalakkersuisunit qanumut malinnaavigineqarnissaata ataatsimiititaliamit naatsorsuutigineqarpoq.
3. Suliassap allaffissornikkut teknikkikullu ingerlanneqarnera 0,5 mio. kr.-inik aningaasartuuteqarnerussutaassasoq naatsorsuutigineqarpoq. Taamali missingiineq assut nalorninartoqartoq Naalakkersuisut inatsisisatut siunnersuummut nalinginnaasumik nassuaatini allapput. Aningaasartuutit qanumut malinnaavigineqartariaqartut Aningaasaqarnermut Ataatsimiititaliamit Naalakkersuisunut equmaffigeqquneqassaaq.
4. Periutsip ingerlanneqarnissaanut aserfallatsaalineqarnissaanullu, nakkutilliinissamut, ilitsersuinissamut, annaasaqaataasinnaasunik naliliinissamut, sulianut misiliissutinut aammalu periusissaq pillugu OECD-mut nassuaatinik suliaqarnermut ukioq naallugu

sulinerup ¼-anik akeqassasoq naatsorsuutigineqarpoq. Tamanna 200.000 koruuninut Naalakkersuisunit aalajangersarneqarpoq. Taamatulli missingiineq assut nalorninartoqartoq Naalakkersuisut inatsisissatut siunnersummut nalinginnaasumik nassuaatini allapput. Tamatuma qanimut malinnaavigineqartariaqarnera Aningaasaqarnermut Ataatsimiititaliap Naalakkersuisunut eqqumaffigeqqussavaa.


5. Allaffissornermut aningaasartuutit Akileraartarnermut Aqutsisoqarfimmuit aningaasaliissutit iluini akilerneqarsinnaasut naatsorsuutigineqarpoq.

Innuttaasunut inuussutissarsiortunullu aningaasaqarnikkut kingunerisassat allat pillugit Naalakkersuisut nassuaataat Aningaasaqarnermut Ataatsimiititaliamit tusaatissatut tiguneqarput, taakkulu allanik oqaaseqaatisaqafigineqanngillat.


Ataatsimiititaliap inassuteqaatai

Naalakkersuisunit allannguutissatut siunnersuutigineqartut ilanngulligit siunnersuut akuerineqassasoq **ataatsimiititaliap isumaqatigiittup inassutigaa.**


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.



Jens Napaattooq
Siulittaasoq




Erik Jensen
Siulittaasup tullia



Agathe Fontain




Vivian Motzfeldt



Hans Aronsen



Jens-Frederik Nielsen



Aqqalu Jeremiassen